



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lvstgartlein Einer Heiligen Liebe

Boyman, Jakob

Cölln, 1650

Cap. V. Die Geistliche Communion. Gebrauch derselben.

urn:nbn:de:hbz:466:1-45647

Die Geistliche Communion. 35

Hochwürdige Sacrament durch die
Geistliche Communion / welche alle tag/
ja alle stunden allenthalben / vnd
von allen kan gebraucht
werden.

Die Geistliche Communion aber ist
nichts anders als ein andächtiger/
vnd herzlich begirdt das Heilig Sacra-
ment/vnd dessen krafft zu empfangen.

Durch welche Christus/welcher in dem-
selben gegenwärtig ist/in vnser hertz durch
seine Gnad/geladen wird. Vnd das mit
schuldiger vorbereitung.

1. Durch reu vnd leid vber vnser
sünden.

2. Durch innerliche demuth / vnd be-
kennung vnserer unwürdigkeit.

3. Durch lieb vnd andacht / eben als
wan wir denselben mit der that empfan-
gen solten.

Diese Andacht kan auff vnderschiedliche
weiss geübet werden. Als:

§. I. Alle tag in der H. Mess: wie folgt.

1. Am anfang der Mess sprich:

O Jesu mein geliebter / ich komme
in diesem H. Opffer.

I. Zu

1. Zu deiner Göttlichen Ehren/
dich für meinen Gott vñnd Herren
dadurch zu bekennen.

2. Zur danckbarkeit für alle deine
wolthaten : sonderlich für die / welche
mir in disem H. Opffer wird vorge-
halten : nemlich für meine Erlösung/
durch dein H. Leiden vñnd sterben.

3. Zur gnugthuung aller meiner
sünden / vñnd aller Abgestorbenen/
für welche ich sonderlich zu betten
schuldig bin.

4. Deiner gegenwart / vñnd ver-
diensten alda / zu meinem Geistlichen
fortgang zu genießen. Vñnd weil ich
vnwürdig bin / vñ für dismahls vnbe-
quem / mich mit dir durch eine würck-
liche messung zu vereinigen / würdige
du dich zu mir durch deine gnad zu
kommen.

Dat

Darauff erwecke i. Kew vnd Leid mit dem Priester zum Confiteor vnd sprich.

O Jesu mein Geliebter / Es reue mich von herten auß Lieb gegens dich: daß ich dich jemahlen erzürnet habe. Verzeihe es mir / vnd laß diß Opffer der Gerechtigkeit mir sein ein Opffer der Barmhertigkeit.

1. Höre folgendß die Mess / vnd bette nach deiner andacht biß zur Auffopfferung. Alsdan sprich:

O Jesu mein Geliebter / Ich opffere deinem vnd meinem himmlischen Vatter diß Opffer deines Fleisches vnd Bluts auff / zu seiner vnd deiner Ehren / vnd für mich vnd alle Lebendige / vnd Abgestorbene / die mir anbefohlen sind; laß es zu meiner / vnd iherer Seelen nutzen gereichen.

3. Zur Consecration vnd Wandelung sprich:

O Jesu mein Geliebter / Ich glaube
E daß

daß du alhie in diesem Heil. Sacrament gegenwertig sehest : Ich bette dich dan an / als meinen Gott vnd Herrn / setze mein ganze hoffnung vff deine barmherzigkeit / vnd liebe dich auß grund meines hertzens. Wünsch auch / daß dich alle im H. Sacrament erkennen / vnd ehren.

4. Zum *Agnus Dei*: bereite dich zur Geistlichen Communion / Wie folgt.

1. Durch reu vnd leid. Vnd sprich:

O Jesu mein Geliebter / damit dich nichts von meinem hertzen abhalte : siehe auß Lieb zu dir reuere es mich / daß ich dich jemahlen erzürnet habe / vnd bitte / Reinige mein hert mit deinem kostbarlichen Blut / welches ich alhie gegenwertig anbette.

2. Durch Demuth. Vnd sprich.

O Jesu mein Geliebter : Ich bekenne mich vnwürdig / daß du zu mir eintehrest. Verhoffe / daß du werdest

mein vnwürdigkeit mit deiner barm-
herzigkeit erstaten / vnnnd mich durch
deine gnad / deiner gegenwart wür-
dig machen.

3. Durch Lieb. Vnd sprich:

Ich liebe dich / O Jesu mein Lieb /
von ganzem hertzen / erkünde diese
meine Lieb / damit sie in mir alles ver-
zehre / was nit Lieb ist / vnd dir mißfällt /
vnd alles in Lieb verändere.

Zur zeit der Communion.

Siehe / O Mein Geliebter / mein
Hertz ist bereit / komme dan / vnnnd
verziehe nit : vnnnd wann noch etwas
manglet / erstatte du es durch deine
Lieb. Erfülle es mit deiner gnaden / er-
leuchte es mit deinem liecht / bereiche
es mit deinen gaben / ersättige es mit
deiner gegenwart. Vnnnd verleyhe /
das ich deine Gnad niemahlen verlie-
re / dein liecht niemal verdunckle /
deine Gaben niemal gering schätze /

deiner gegenwart niemahlen vergesse : Ich wil dir nun vnd in Ewigkeit für diese vnd alle wolthaten danck sagen.

§. II. Wann du nit kanst würcklich Communiciren / oder darzu vnbequem bist / alsdann

I.

Besuche etwa 5. Kirchen / oder 3. oder 1. oder eine fünffmal / oder drey mal / oder einmal / vnd lade Christum in dein hertz. Wie folgt.

O Mein Jesu / Ich komme dich zu besuchen / vnd in mein hertz zu laden / Bekenne mich vnwürdig deiner heiligē gegenwart / durch ein würckliche Communion / laß dir gefallē zu mir durch deine Gnad einzukehren / vnd damit an mir kein hindernuß sey / Siehe es reuet mich von herten daß ich deine Güte jemahlen erzürnet hab.

II.

Wann du durch ein Kirch gehest / oder

Die Geistl. Communion.

4

oder bey einer vorüber/da das H. Sa-
erament auffbehalten wird / so sprich
kürzlich.

Sey gegrüßet mein Geliebter Jesu/
vnd gebe mir deinen Göttlichen
Segen: vnd wann ich dessen durch
meine sünd vnwürdig bin / das rewet
mich von herzen.

Oder.

O Mein Geliebter Jesu / ich glaube
daß du dich warhafftig nach dei-
nem Fleisch vnd Blut / nach deiner
Menschheit/vnd Gottheit alhie auff-
haltest mir zu trost: bekenne mich vn-
würdig / wegen meiner vielfaltigen
Sünden/deiner gegenwart. Vnd
rewet mich von herzen / auß Lieb zu
dir / daß ich durch meine schuld darzu
vnwürdig bin. Ich liebe dich danoch
von herze/ vnd wünsche mit dir durch
Lieb vereiniget zu werden/D. mein Jesu
gestatte mir meine begird/vnd er-
sättige meine Lieb.

E 3

III. Mor.

III.

Morgens / wende dich so bald du
auffgestanden / zu der nechsten Kirchen
da sich dein Geliebter auffhelt / vnd
sprich:

O Mein Geliebter Jesu / du wartest
meiner alda die nacht durch / siehe
in der frühe wach ich zu dir / vnd besu-
che dich mit dem herzen. Ich glaube
an deine Gegenwart. Hoffe auff dei-
ne Gütigkeit / vñ rewet mich von her-
zen / das ich dieselbe jemaln beleidiget
hab. Ich liebe dich vmb deiner wegen /
besuche mich im gleichen O Mein Jesu
mit deiner gnaden / vnd gebe mir
deinen göttlichen Segen.

4. Abends wende dich im gleichen /
auch in deinem Schlaffkammerlein zu
dem nechsten Heiligen Sacrament / vnd
sprich:

O Mein allerliebster Jesu / ich kom-
me mit dem herzen zu dir / biege
meine Knie vor deinem Angesicht:
vnd

vnd b
theile
mich
Seint
lieb / r
nit ka
verdi
daß d
lich / j
mein
ste M
anne
fius /
bara
gen a
s. All

O D
da
H. S
mach
stärck

vnd begere von dir den heiligen seggen/
theile mir deine gnad mit/ vnd stärke
mich mit derselben/wider alle nachts
Feind/vnd vereinige mein hertz durch
lieb/mit dem deinigen. Vnd weil ich
nit kan/was ich schuldig bin/vnnd dir
verdienest: Wünsche ich von herten/
daß dich an meiner platz alda / skündo
lich/ia allezeit mein H. Schutz Engel/
mein liebe Patronen / deine Allerlieb
ste Mutter/der H. Joseph/der H. Jo
annes Euangelist / der Selige Aloy
sius/die H. Catharina / vnd Bar
bara/begrüssen / vnd dir meinetwe
gen auffwarren.

§. Alle Stunden/wan dieselb schlägt/
sprich:

O Mein Allerliebster Jesu / durch
das hochheilige Dpffer deines
H. Fleischs/vnd Bluts/bitt ich dich/
mach mich dessen theilhaftig / vnnd
stärcke mich mit deiner gnaden wider

E 4 alle

^{Commination}
alle die mich verfolgen. Es reue
mich von herten / daß ich mich jema
len durch einige Sünd / darzu unbe
quem gemacht habe.

Oder.

D H. Sacrament! D Brot des
bens / erhalte mich.

D Speiß der Seelen / ersättige mich.

D Trost der Betrübten / tröste mich.

D Krafft der Schwachen / stärcke
mich.

D Heyl der Krancken / heyle mich.

D Jesu sey mir Jesus.

†)†(†